


Wie Gunther Sivriden vnt
Chriemhilt ze Wormeze mit bete brakte.

XII. Auentiure.

Nu daht ouch alle cite, daz Gunthers wip,
wie treit et also hohe, Chriemhilt den lip,
nu ist doch vnser eigen, Sivrit ir man,
daz er vns niht endienet, des wolde ich gerne ein ende han.

Diz trooch si in ir hercen, vnt wart doch wol verdeit,
daz si ir so vrende warn, daz was der frowen leit,
daz si niht zinses hete, von des fursten lant,
wa von daz chomen wäre, daz het si gerne bechant.

Sie versochtez manigen ende, ob chunde daz geschehn,
daz si Chriemhilde, mohte noch gesehn,
si reites heinliche, des si da hete mvot,
done duht den chunic riche, der frowen bete niht zegvot.



Wie chunden wir si bringen. sprach der lobes rich.
her zu disen landen. das wäre unmogelich.
si sint vns gar zerverre. ich getar sis niht gebiten.
des antwrt im Prvnhilt. in vil listigen siten.

Swie hohe riche wäre. deheines kuniges man.
swaz im gebote sin herre. wie torster das verlan.
des ersmielte Gunther. do si das gesprach.
ern iach sin niht zedienste. swie dicker Sivriden sach.


Si sprach vil lieber herre. durch den willen min.
so hilf mir das noch Sivrit. mit der swester din.
chom zu disem lande. das wir si hie geschn.
sone chunde mir zerwerlde. nimmer lieber geschehn.

Diner swester gvete. ont ir vil zohlich mvot.
als ih daran gedenche. wie sanfte mir das tvot.
ont ir vil wert enpfahen. do ich chom indaz lant.
ez enwart nie antphanc richer. zerwelde niemen bechant.

Si gertes also lange. vnz das der chunic sprach.
ir mvget mich sanfte vlegen. wand ich gerner nie gesach.
deheiner slachte geste. inden landen min.
ich wil in boten senden. das si zuns komen an den Rin.

Do sprach die chuniginne. nu solt ir mir sagn.
wenne ir si welt besenden. oder in welhen tagu.
soln vnser frivnde. chomen indaz lant.
die ir dar senden wellet. die lat werden mir bechant.

Das tun ich sprach do Gunther. drizech miner man.
wil ich dar lazen riten. die hiez er for sich gan.
bi den enbot er märe. in Sivrides lant.
zeliobe gab in Prvnhilt. vil harte zierlich gewant.



Do sprach do Gunther, ir rechen ir solt sagen,
swaz ich bi ir enbiete, des solt ir niht verdagen.
Sivrit mine friunde, vnt oveh die swester min,
daz enchan inder werlde, niemen holder gesin.

Vnt bite si von vns beiden, leisten ane strit,
daz si chomen ruchen, zvnser hochgecit,
gein disen sunewenden, sol er mit sinen man,
sehen hie vil manigen, der im vil grozer eren gan.


Sime vater Sigemunde, sagt oveh den dieneft min,
daz ich mit minen magen, im immer wäge sin,
vnt saget oveh miner swester, daz si niht lase das,
sine chom zir friunde, irn gezam nie hoegeriten bas.

Frov Vote vnt al die frowen, die man zehove vant,
enbuten oveh ir dieneft, in Sivrides lant,
den minneklichen meiden, vnt manigem chonem man,
Gere der vil chune, sich hvop mit den mären dan.

Sie foren reisliche, ir pfärit vnt ir gewant,
daz was in chomen allen, do roomten si das lant,
in zougte wol der reise, dar si da solden varn,
der kunie mit geleite, bat die boten wol bewarn.

Inre tagn zwelfen, si chomen in das lant,
ze Nibelunges burge, dar warn si gefant,
da vunden si mit freuden, den vil chonen degn,
div roff den boten waren, muede von den langen wegn.

Dem kunige vnt sine wibe, wart zehant geseit,
in wärn chomen geste, die trogen solhiv chleit,
als man zen Burgonden, do der site pflach,
Chriemhilt sprach von dem bette, dar an si bi ir liebe lach.



Si bat an ein venster. ir magede eine gen.
diu sach den chunen Geren. an dem hove sten.
mit sinen hergesellen. die warn dar gesant.
gein ir herceleide. wie liebiv mare si bevant.

Si sprach zu dem konige. ir solt of sten.
ich sihe den starcken Geren. her zehove gen.
in hat min broder Gunther. wätlich her gesant.
was der reche werbe. das het ich gerne bechant.


Alles das gesunde. dar lief vnt gie.
invil grozen vreden. man die geste enpfie.
vnt taten in das beste. das si chunden do.
wande si ir chunfte. inir hercen warn vro.

Gere wol empfangen. wart mit sinen man.
ir ross man hiez behalten. die helde braht man dan.
da der herre Sivrit. bi Chriemhilde saz.
si sahen in vil gerne. das solt ir wizen ane haz.

Gegen den lieben gesten. si stonden of zehant.
wol wart empfangen Gere. von Burgonden lant.
vnt sine hergesellen. bi der hende dan.
Chriemhilt foorte Geren. das wart durch liebe getan.

Si bat in zuo zir sizen. er sprach wir suln sten.
erlobbet vns die boteschafft. e' das wir sizen gen.
vnt horet disiv mäere. was iv enboten hat.
Gunther vnt Fronhilt. der dine an eren hohe stat.

Vnt was iv iwer mooter. min frowe her enbot.
Giselher der iunge. vnt och Gernot.
vnt iwer besten mage. die hant vns hergesant.
vnt enbietent iv ir dienest. vser Burgonden lant.



No lon in got sprach Sivrit. ich getrow in allen wol.
triwen vnt gootes. also man frivnden sol.
daz selbe tvot ir swester. wie si gehabn sich.
die unsern lieben frivnde. daz sult ir lasen horen mich.

Sit daz wir von in schieden. hat ieman iht getan.
den minen chonemagen. daz laset mich verstan.
daz wil ich in mit triwen. immer helfen tragen.
unze daz ir viende. den minen dieneft mwen klagen.


Do sprach der maregraue. Gere ein reche goot.
si sint in allen tugenden. mit freuden wol gemvot.
si ladent ivch ze Rine. zeiner hochgecit.
wande si ivch gerne sahen. daz ir des ane zwifel sit.

Vnt bitent mine frowen. si soln mit iv chomen.
swenne so der winder. ein ende habe genomen.
gein disen sonewenden. so wolden si ivch sehen.
do sprach der herre Sivrit. daz chunde ivelich gesehehn.

Do sprach aber Gere. vnz Burgonden lant.
iwer mvoter Vote. diu hat ivch gemant.
vnt iwer broeder beide. ir solt in niht versagen.
daz ir in sit so verre. daz hore ich si vil dicke klagen.

Prunhilt min vrowe. vnt alle ir magedin.
die fröwent sich der gegene. ob daz chunde sin.
daz si ivch gesehen noch. so si des habent mvot.
do dohten disiv märe. die schonen Chriemhilde goot.

Gere was ir sippe. der wirt in sizen hiez.
den gesten hiez man schenchen. niht langer man daz lies.
do was ovch chomen Sigemvnt. do er die boten sach.
der herre minnekliche. zu den Burgonden sprach.



Sit willechomen ir rechen. ir Gunthers man.
sit Chriemhilde zeman. Siwert minen sohn gewan.
so solde man ouch degene. dicker bi uns sehn.
ob ir uns mit triwen. woldet frivntscheste iehn.

Si sprachen swenner wolde. si solden gerne chomen.
in wart ir michel muede. mit freuden vil benomen.
die boten bat man sissen. spise man in trooch.
der wart den lieben gesten. gegeben volleklich genvoch.


Man gab in herberge. vnt schof in goot gemach.
der herre zu den gesten. minneklichen sprach.
lat ouch niht betragen. darvome ir sit gesant.
her von vnsern friunden. wir solens ouch schiere twon bechant.

Ich muoz mihs noch beraten. mit den friunden min.
er gie zeiner sprache. mit den rechen sin.
er sprach min frivnt Gunther. hat nach uns gesant.
zeiner hochgecite. no ist zeverre mir sin lant.

Vnt bitent mine frowen. das si mit var.
no ratent liebe vrunde. wie sol si chomen dar.
vnt solde ich herverten. durch si indrizech lant.
da moze in gerne dienen. hin diu Siwrides hant.

Do sprachen sine rechen. habt ir der reise muot.
so wellen wir ouch raten. das ouch wirdet goot.
ir solt mit tofint rechen. riten anden Rin.
so muozt ir wol mit ouch. da zehochgecite sin.

Do sprach von Niderlanden. der herre Sigemont.
welt ir zir hochgecite. wan twot ir mir das kunt.
ob es ouch niht vermahet. so rite ich mit ouch dar.
vnt bringe ouch hundert degene. da mit mer ouch iwer schar.



Sit ir welt mit uns riten. vil lieber vater min.
sprach der herre Sivrit. vro sol ich des sin.
inre tage zwelfen. so room ich miniv lant.
die si do furen wolden. den gap man roff vnt ovch gewant.

Do der chunic edele. der reise hete mvot.
do hiez man wider riten. die snellen boten gvot.
den sinen chonemagen. enbot er an den Rin.
das er gerne wolde. da zir hochgecite sin.


Sivrit vnt Chriemhilt. als wir horen sagen.
so vil den boten gaben. das ez niht mohten tragen.
ir möre heime zelande. er was ein richer man.
ir starchen sovmäre. si triben vrolichen dan.

Ir volche das kleite. Sivrit vnt ovch Sigemont.
Egewart der grave. der hiez do an der stont.
frowen chleider svoochen. die besten die man vant.
oder iemen vinden chvnde. vber alles Sivrides lant.

Sättil vnt schilde. bereiten man began.
rittern vnt frowen. die mit im wolden dan.
den gab man swaz si wolden. wie wenich in gebraft.
do brahter sinen frivnden. manigen herlichen gast.

Den boten zogete fere. wider vf den wegn.
do chome wol zelande. Gere der degen.
er wart vil wol enpfangen. do stonden si zetal.
nider von den mören. for den Gunthers sal.

Der chunic durch groze liebe. von dem sedele sprach.
das so snelle chomen. des bat si haben danch.
Prvnhilt div schone. der kunich zen boten sprach.
wie vert min frivnt Sivrit. von dem mir liebes vil geschach.



Do sprach der chune Gere. da wart er freuden rot.
er vnt iwer swester. nie frivnden baz enbot.
so frivntlicher märe. deheinerflachte man.
als iw der herre Sivrit. vnt oveh sin vater hat getan.

Do sprach zem margrauen. des edeln kuniges wip.
nw sagt mir chomet Chriemhilt. hat noch ir schöner lip.
behalten iht der zehhte. der si wol chunde pflegen.
er sprach si choment beide. vnt mit in manie kuner degn.


Frov Vate bat do drate. die boten zwo zir gen.
das mac man an ir vrage. harte wol versten.
das si vil gerne horte. was Chriemhilt noch gesunt.
er sagete wie er funde. vnt das si chome in churzer stunt.

Oveh wart von in div gabe. zehove niht verdeit.
die in dort gab Sivrit. golt. silber. vnt kleit.
das brahte man zesehene. der drier kunige man.
der ir vil grozen milte. wart in do danches vil getan.

Er mac wol gebn ringe. sprach Hagene der degn.
ern chundes niht verswenden. vnt solt er immer leb. n.
hort der Nibelunge. beslozen hat sin hant.
hey solden wir den teilen. noch in Ouregonden lant.

Allez das gedigene. freute sich der zwo.
das si chomen solden. spate vnt frvo.
warn vil vnmvzich. des fursten ambtman.
was richet her gesidele. man da rihten began.

Ortwin vnt Sindolt. die zwene chune degn.
die warn vil vnmvzich. di zit si mvosin pflegen.
der trohsesse vnt der schenche. rihten manigen banch.
des hulfen ir vndertanen. des sagete in Gunther do danch.



Koomolt der chuchen meister. vil wol berihte sit.
di finen vndertanen. vil manigen kezzil wit.
häfene vnt pfannen. hej was man der da vant.
da bereite man den spife. die da chomen indas lant.

Der frowen arebeiten. was och niht kleine.
da si bereiten ir chleider. die edeln steine.
mit glanze verre gleston. verwieret indas golt.
do si sie ane leiten. das in die lute wrden holt.

